



DFJC - Département de la formation, de la jeunesse et de la culture  
DGEO - Direction générale de l'enseignement obligatoire

# Klasat e rakordimit

## Informacione për prindërit

### Shkalla e dytë (Arsimi i mesëm i ulët)

Rac1 dhe Rac2

Në plotësim të fletëpalosjeve që paraqesin vitin e 9-të, të 10-të e atë të 11-të të shkallës së dytë I (cikli 3), ky dokument përshkruan klasat e rakordimit 1 dhe 2. Ai paraqet karakteristikat dhe specifikat e këtyre klasave: kushtet e hyrjes në to, organizimin e tyre, lëndët e ndryshme dhe tabelën e orarit, mënyrat e vlerësimit dhe kushtet e çertifikimit të nxënësve.

Klasat e rakordimit 1 i mundësojnë nxënësit, që ka marë çertifikatën e mbarimit të studimeve të shkallës së dytë të drejtimit të përgjithshëm, nëse rezultatet e tij plotësojnë kërkesat, hyrjen në shkollat e kulturës së përgjithshme dhe të tregtisë të gjimnazeve ose maturës profesionale.

Klasat e rakordimit 2 i mundësojnë nxënësit, që ka marë çertifikatën e mbarimit të studimeve të shkallës së dytë të drejtimit të përgjithshëm, marrjen e çertifikatës të drejtimit parajgimnazial.

[www.vd.ch/scolarite](http://www.vd.ch/scolarite)

burimet: Loi sur l'enseignement obligatoire (LEO)  
Règlement d'application de la LEO (RLEO)  
Cadre général de l'évaluation (CGE)

Janë të besueshëm vetëm kuadri ligjor e rregullues dhe Kuadri i përgjithshëm i vlerësimit (CGE) që trajton në mënyrë të tërësishme rastet e ndryshme.

# Të përgjithshme

Në përfundim të një viti mësimor shtesë dhe me disa kushte, klasat e rakordimit kanë për qëllim t'i mundësojnë nxënësit hyrjen në fusha të ndryshme të formimit pas arsimit të detyrueshëm.

## Vendet e mësimdhënies

Në shumë ente të shkollimit të detyrueshëm të shpërndara në territorin e kantonit të Vaudit ka klasa të rakordimit. Në parim, fëmija shkollohet në entin shkollor më të afërt me vendin e banimit. Sidoqoftë, zhvendosjet jashtë zonës së regjistrimit mund të jenë të nevojshme për të baraspeshuar efektivat e klasave.

## Të drejtat dhe detyrimet

Klasat e rakordimit i bashkëngjiten drejtorisë së entit të shkollimit të detyrueshëm. Nxënësit që ndjekin këto klasa kanë të njëjtat të drejta dhe të njëjtat detyrime si edhe nxënësit e tjerë të shkollimit të detyrueshëm.

## Falas

Ndjekja e klasave të rakordimit është falas. Zhdëmtime për transportin u jepen nxënësve që banojnë mbi 2,5 km larg vendit të mësimdhënies.

## Mosha më e lartë

Nxënësi mund të jetë e shumta 17 vjeç në 31 korrik të vitit të regjistrimit.

## Regjistrimi

Kërkesa e regjistrimit për të ndjekur një klasë të rakordimit duhet t'i drejtohet prej prindërve, në fund të muajit janar, entit shkollor të ndjekur prej fëmijës së tyre në vitin e 11-të. Formularët e regjistrimit gjenden pranë mësuesit-es kujdestar-e të klasës ose sekretarisë së entit shkollor, si dhe në sitin e Internetit [www.vd.ch/scolarite](http://www.vd.ch/scolarite)<sup>1</sup>.

<sup>1</sup> Rubrique Déroulement de l'école obligatoire dans le canton de Vaud.

|              |     | Rac1 dhe Rac2<br>Viti i 12-të certifikues                |                                             | shkalla e dytë I<br>(arsimi i mesëm i ulët) |
|--------------|-----|----------------------------------------------------------|---------------------------------------------|---------------------------------------------|
| 14 - 15 vjeç | 11S | cikli i tretë<br>drejtimi i<br>përgjithshëm              | cikli i tretë<br>drejtimi<br>paragjimnazial |                                             |
| 13 - 14 vjeç | 10S |                                                          |                                             |                                             |
| 12 - 13 vjeç | 9S  |                                                          |                                             |                                             |
| 11 - 12 vjeç | 8P  |                                                          |                                             |                                             |
| 10 - 11 vjeç | 7P  | cikli<br>i parë fillor                                   |                                             |                                             |
| 9 - 10 vjeç  | 6P  |                                                          |                                             |                                             |
| 8 - 9 vjeç   | 5P  |                                                          |                                             |                                             |
| 7 - 8 vjeç   | 4P  |                                                          |                                             |                                             |
| 6 - 7 vjeç   | 3P  | cikli<br>i parë fillor<br>(përfshirë shkollën foshnjore) |                                             |                                             |
| 5 - 6 vjeç   | 2P  |                                                          |                                             |                                             |
| 4 - 5 vjeç   | 1P  |                                                          |                                             |                                             |

## Struktura e shkollës të detyrueshme vaudeze

Në mënyrë të përgjithshme, **rastet limite** kanë të bëjnë me gjendjet në të cilat rezultatet e nxënësit janë shumë pak poshtë atyre të kërkuara për plotësimin e kushteve të certifikimit ose të hyrjes në klasat e rakordimit, si dhe të pranimit në shkollat e kulturës së përgjithshme dhe të tregtisë të gjimnazeve. Këshilli drejtues vendos kryesisht për rastet limite.

Këshilli drejtues çmon, me kërkesën e prindërve, **rrethanat e veçanta** të mundshme (për shembull një shkollim i trazuar rëndë e për një kohë të gjatë nga një sëmundje e zgjatur, nga mbërritja rishtazi nga një kanton tjetër apo nga jashtë vendit). Që një rrethanë e veçantë të merret parasysh, duhet që një sukses i mëvonshëm të gjykohet i mundshëm.

**Vendimet e certifikimit, hyrjes në klasat e rakordimit apo të mësimin plotësues, si dhe pranueshmërisë në shkollat e kulturës së përgjithshme dhe të tregtisë të gjimnazeve** mund të bëhen objekt i një ankimi pranë Departamentit: *Instruction des Recours, Département de la formation, de la jeunesse et de la culture, rue de la Barre 8, 1014 Lausanne*. Ankimi i motivuar bëhet me shkrim brenda një afati 10-ditor nga njoftimi i vendimit, me një kopje të vendimit të kundërshtuar.

# Vlerësimi

Në vazhdim të mënyrave të vlerësimit në fuqi nga klasa e 5-të në të 11-tën, vlerësimi i punës së nxënësit komunikohet në agjendë në formën e notave që shkojnë nga 1 deri në 6 me gjysmë-pika (TS dhe TA). Nota 4 përkon me pragun e mjaftueshmërisë. Nota më e lartë është 6-ta, nota më e ulët 1-shi.

Në mbarim të semestrit dhe të vitit shkollor, jepet një vlerësim i gjendjes. Ai përmban një listë të notave dhe të mungesave, si dhe mesataret sipas lëndëve të përcaktuara me gjysmë-pikën më të afërt. Në fund të vitit shkollor, një buletin përmbledh mesataret dhe tregon vendimin lidhur me çertifikimin e nxënësit. Ky buletin i bashkëngjitet librezës shkollore.

## Çertifikata e mbarimit të studimeve të shkallës së dytë

Në fund të vitit shkollor, organizohet një provim për çertifikatën në entin shkollor. Mënyrat e provimit janë të njëjta me ato të fundit të vitit të 11-të.

Për të marë çertifikatën e mbarimit të studimeve të shkallës së dytë, nxënësi duhet të ketë ndjekur mësimet në klasën e rakordimit dhe të jetë paraqitur në të gjitha provimet.

Çertifikata e mbarimit të studimeve të shkallës së dytë jepet në bazë të mesatareve të mara në fund të vitit të rakordimit. Mesataret e fundit të vitit përcaktohen sipas mënyrave që vijojnë:

- Për lëndët që nuk janë objekt provimi, mesatarja vjetore përfundimtare përkon me mesataren vjetore, të rrumbullakosur me gjysmë-pikë;
- Për lëndët që janë objekt provimi, mesatarja vjetore përfundimtare mban parasysht mesataren vjetore për 80% dhe notën e marë në provim për 20%.

Nxënësit dhe prindërit e tyre kanë mundësinë të shikojnë fletët e provimit pasi ato të jenë korrigjuar.

### Mesatarja vjetore, shembull përlllogaritjeje

|                                                                          |            |
|--------------------------------------------------------------------------|------------|
| Mesatarja e notave të mara në klasë                                      | 4,5        |
| Nota e marë në provimin e çertifikatës                                   | 4          |
| Përlllogaritja: $(4,5 \times 0,8) + (4 \times 0,2) =$                    | 4,4        |
| <b>Mesatarja vjetore përfundimtare (e rrumbullakosur me gjysmë-pikë)</b> | <b>4,5</b> |

Kuadri i përgjithshëm i vlerësimit, që po rishikohet sot, do të saktësojë se si do të merren parasysht mesataret e ndryshme dhe kushtet e çertifikimit në një botim të 6të të planifikuar për fillimin e vitit shkollor 2021.

### Kuadri i përgjithshëm i vlerësimit (CGE)

Direktivë që përcakton kushtet që janë në themel të vendimeve që merren përgjatë rrugëtimit shkollor të nxënësve, në veçanti promovimi, orientimi dhe riorientimi në rrugët dhe nivelet e shkallës së dytë, çertifikimi si dhe hyrja në klasat e rakordimit. CGE-ja gjendet në sitin tonë Internet : [www.vd.ch/scolarite](http://www.vd.ch/scolarite) > Vlerësimi dhe Provimet kantonale të referencës (ECR) > Kuadri ligjor - Kuadri i përgjithshëm i vlerësimit.

### Çertifikimi në fund të vitit të 11-të

Një fletëpalosje shpjeguese, që paraqet kushtet e çertifikimit të nxënësve të vitit të 11-të dhe kushtet e hyrjes në formimet pas arsimit të detyrueshëm, gjendet në sitin tonë të Internetit: [www.vd.ch/scolarite](http://www.vd.ch/scolarite) > Traductions - Translated documents.

**Punët domethënëse (travaux significatifs, TS):** në mënyrë të rregullt dhe përgjatë tërë vitit, vlerësimi i punës shkollore të nxënësit bëhet me ndihmën e punëve domethënëse. Ato përbëjnë elementet thelbësore të vlerësimit. Çdo punë domethënëse synon të paktën një objektiv mësimor të përcaktuar nga Plani romand i studimeve (PER) me një apo disa prej përbërësve të tij që kanë qenë objekt i një mësimdhënieje.

**Punët e përvetësuara (travaux assimilés, TA):** një sërë punësh për verifikimin e përvetësimit të njohurive apo të teknikave specifike. Kjo tërësi punësh është objekt i një note për çdo lëndë. Për secilën lëndë, numri i këtyre punëve të përvetësuara nuk mund ta kalojë një të katërtën e tërësisë së punëve të përcaktuara.

# Klasat e rakordimit 1

## Paraqitje

Pas një viti shtesë në shkollimin e detyrueshëm, klasat e rakordimit 1 i mundësojnë nxënësit që ka marë certifikatën e mbarimit të studimeve të shkallës së dytë të drejtimit të përgjithshëm të arrijë rezultatet që lejojnë hyrjen në shkollat e kulturës së përgjithshme dhe të tregtisë të gjimnazeve ose maturës profesionale.

## Kushtet e hyrjes në klasat e rakordimit 1

Nxënësi-ja i/e certifikuar në drejtimin e përgjithshëm mund të hyjë në klasën e rakordimit 1 me kushtet vijuese:

|                                                                                                                         |                 |
|-------------------------------------------------------------------------------------------------------------------------|-----------------|
| Tri lëndët e ndjekura në nivelin 2:<br>frëngjisht + matematikë + gjermanisht<br>ose                                     | 12 pika e sipër |
| Dy lëndë të ndjekura në nivelin 2 dhe një lëndë e ndjekur në nivelin 1:<br>frëngjisht + matematikë + gjermanisht<br>ose | 13 pika e sipër |
| Një lëndë e ndjekur në nivelin 2 dhe dy lëndë të ndjekura në nivelin 1:<br>frëngjisht + matematikë + gjermanisht<br>ose | 14 pika e sipër |
| Tri lëndët e ndjekura në nivelin 1:<br>frëngjisht + matematikë + gjermanisht                                            | 15 pika e sipër |

*Rastet limite e shumta 0,5 pikë pamjaftueshmëri në shumën e të gjitha pikave.*

Në raste të jashtëzakonshme dhe në bazë dosjeje, përjashtime nga rregulli mund të bëhen nga departamenti për kandidatët-et që nuk plotësojnë kushtet e hyrjes në klasën e rakordimit 1.

## Kërkesat

Në fund të vitit të bërë në klasën e rakordimit 1, nxënësit duhet të kenë marë të njëjtat njohuri dhe të njëjtat kompetenca si nxënësit e vitit të 11-të të drejtimit të përgjithshëm që kanë ndjekur tri lëndë me nivel (frëngjisht, matematikë dhe gjermanisht) në nivelin 2. Kjo kërkon një qasje të thelluar të lëndëve tashmë të studiuara, në referencë me objektivat e përcaktuara prej Planit romand të studimeve (*Plan d'études romand*, PER) për ciklin 3. Nxënësi duhet të jetë i motivuar dhe i gatshëm të bëjë një punë të rëndësishme dhe kërkuese, edhe jashtë kohës shkollore.

### Plani romand i studimeve (PER)

[www.plandetudes.ch](http://www.plandetudes.ch)

PER-ja përcakton përmbajtjen e nxënieve të shkollimit të detyrueshëm për Zvicrën romande. Ai përshkruan atë që nxënësit duhet të mësojnë gjatë njëmbëdhjetë vjetëve të shkollimit.

**Kërkesa e përjashtimit nga rregulli** për pranimin në klasën e rakordimit 1 duhet t'i drejtohen dekanes kantonale të këtyre klasave (shih të dhënat përballë). Ato duhet të përmbajnë një letër nga prindërit ku të përshkruhet konteksti i kërkesës, të shoqëruar me formularin e regjistrimit, si dhe një dosje të plotë. Për këtë qëllim, prindërit duhet të japin të gjitha dokumentet e nevojshme për të kuptuar rrugëtimin shkollor të nxënësit dhe nivelin e zotërimit të objektivave të planit të studimeve, në veçanti dokumentet zyrtare (buletinet shkollore të fundit, certifikatën e mbarimit të studimeve të shkallës së dytë) të lëshuara nga enti në të cilin nxënësi-ja është shkolluar, si dhe çdo dokument shtesë të gjykuar të përshtatshëm.

## Tabela e orarit

Klasat organizohen sipas modelit të drejtimit të përgjithshëm. Tabela e orarit përmban nga 32 deri në 34 periudha në javë sipas ndarjes përballë.

Përforcimi i nivelit 2 përbëhet nga tri deri në pesë periudha në tabelën e orarit sipas profilit të nxënësit:

- Tri periudha përforcimi të nivelit 2 ndiqen nga të gjithë nxënësit me qëllim që ata të plotësojnë formimin e tyre në frëngjisht, në matematikë dhe në gjermanisht;
- Në disa raste, mund të shtohen dy periudha shtesë (p.sh. Nxënësi ka hyrë në klasën e rakordimit 1 pasi ka ndjekur tri lëndë me nivel në nivelin 1 në vitin e 11-të).

Të gjitha lëndët vlerësohen, me përjashtim të qasjes ndaj botës profesionale. Vlerësimi i edukimit fizik është objekt i një komunikimi specifik.

## Kushtet e certifikimit

Sot, për të marrë certifikatën e mbarimit të studimeve të shkallës së dytë, **nxënësi i klasës së rakordimit 1** duhet të marrë të gjitha pikat vijuese për grupet I, II dhe III\*:

|                      |                                                                                                                        |                 |
|----------------------|------------------------------------------------------------------------------------------------------------------------|-----------------|
| Grupi I              | frëngjisht + matematikë + gjermanisht + shkencat e natyrës                                                             | 16 pika e sipër |
| Grupi II             | anglisht + shkencat njerëzore e shoqërore                                                                              | 8 pika e sipër  |
| Grupi III            | artet                                                                                                                  | 4 pika e sipër  |
| <i>Rastet limite</i> | <i>e shumta 1,5 pikë pamjaftueshmëri të mbledhur në të tri grupet dhe e shumta 1 pikë pamjaftueshmëri në një grup.</i> |                 |

## Hyrja në shkollat e kulturës së përgjithshme dhe të tregtisë të gjimnazeve ose të maturës profesionale

Nxënësi që ka marrë certifikatën e mbarimit të studimeve të shkallës së dytë të drejtimit të përgjithshëm në fund të rakordimit mund të hyjë në shkollat e kulturës së përgjithshme dhe të tregtisë të gjimnazeve ose maturës profesionale me kushtet e mëposhtme e përcaktuara në Rregulloren e gjimnazeve, sot\*:

|                                                            |                                                                        |
|------------------------------------------------------------|------------------------------------------------------------------------|
| frëngjisht + matematikë + gjermanisht + shkencat e natyrës | 18 pika e sipër                                                        |
| <i>Rastet limite</i>                                       | <i>e shumta 0,5 pikë pamjaftueshmëri në shumën e të gjitha pikave.</i> |

\* Këto kushte mund të evoluojnë në kontekstin e rishikimit të Kuadrit të përgjithshëm, botimi i 6të i të cilit është planifikuar për në fillim të vitit shkollor 2021.

## Kontakti

### Mme Corinne Morier-Genoud

Doyenne cantonale des classes de rattachement 1 (Dekane kantonale e klasave të rakordimit 1)

Établissement primaire et secondaire de Lausanne-Belvédère (Enti i shkallës së parë e të dytë Lozanë-Belvedere)

Chemin des Croix-Rouges 24, 1007 Lausanne

corinne.morier-genoud@lausanne.ch

021 315 61 53

| Rac1 32 deri në 34 periudha                                     |                               |
|-----------------------------------------------------------------|-------------------------------|
| Frëngjisht (niveli 2)                                           | 6 periudha                    |
| Gjermanisht (niveli 2)                                          | 4 periudha                    |
| Anglisht                                                        | 4 periudha                    |
| Matematikë (niveli 2)                                           | 6 periudha                    |
| Shkencat e natyrës                                              | 2 periudha                    |
| Shkencat njerëzore e shoqërore <sup>1</sup>                     | 2 periudha                    |
| Artet <sup>2</sup>                                              | 2 periudha                    |
| Edukimi fizik                                                   | 2 periudha                    |
| <b>Përforcim niveli 2 frëngjisht - gjermanisht - matematikë</b> | <b>3 (deri në 5) periudha</b> |
| <b>Qasja ndaj botës profesionale</b>                            | <b>1 periudhë</b>             |

Lëndët në tabelën e orarit

Mediat, figurat dhe teknologjitë e informimit dhe komunikimit (MTIC)

<sup>1</sup> Histori - Gjeografi - Qytetari

<sup>2</sup> Artet vizuale / Muzikë / Veprimtari krijuese dhe punë dore

# Klasat e rakordimit 2

## Paraqitje

Pas një viti shtesë në shkollimin e detyrueshëm, klasat e rakordimit 2 i mundësojnë nxënësit, që ka marë çertifikatën e mbarimit të studimeve të shkallës së dytë të drejtimit të përgjithshëm, marrjen e çertifikatës së drejtimit parajmnazial.

Nxënësi që ka marë çertifikatën e mbarimit të studimeve të shkallës së dytë të drejtimit parajmnazial ka qasje në tërësinë e degëve të formimit pas arsimit të detyrueshëm, nga gjimnazi në nxënien e një zanati.

## Kushtet e hyrjes në klasat e rakordimit 2

Nxënësi-ja i/e çertifikuar në drejtimin e përgjithshëm mund të hyjë në klasën e rakordimit 2 nëse i ka ndjekur tri lëndët me nivel në nivelin 2 dhe nëse i ka marë të gjitha pikat vijuese për grupet I dhe II:

|                      |                                                                                                                                                                                                                                |                                |
|----------------------|--------------------------------------------------------------------------------------------------------------------------------------------------------------------------------------------------------------------------------|--------------------------------|
| Grupi I              | frëngjisht + matematikë + gjermanisht + shkencat e natyrës                                                                                                                                                                     | 20 pika e sipër <sup>1</sup>   |
| Grupi II             | anglisht + gjeografi - qytetari<br>+ histori - etikë e kulturë fetare                                                                                                                                                          | 13,5 pika e sipër <sup>2</sup> |
| <i>Rastet limite</i> | <i>e shumta 0,5 pikë pamjaftueshmëri në njerin prej dy grupeve.</i>                                                                                                                                                            |                                |
| <sup>1</sup>         | Për nxënësin që ka ndjekur një lëndë me zgjedhje specifike (OS) në vend të dy lëndëve me zgjedhje të kompetencave të orientuara drejt zanateve (OCOM), ky prag është me 24 pika duke marë parasysh mesataren vjetore të OS-së. |                                |
| <sup>2</sup>         | Për hyrjen në një klasë rakordimi 2 nga rakordimi 1, lëndët përkatëse janë anglishtja dhe shkencat njerëzore e shoqërore, dhe pragu është caktuar me 9 pika e sipër.                                                           |                                |

Në raste të jashtëzakonshme dhe me dosje, përjashtime nga rregulli mund të bëhen nga departamenti për kandidatët-et që nuk plotësojnë kushtet e hyrjes në klasën e rakordimit 2.

## Kërkesat

Në fund të vitit të kryer në klasën e rakordimit 2, nxënësit duhet të kenë marë të njëjtat njohuri dhe të njëjtat kompetenca si nxënësit e vitit të 11-të të drejtimit parajmnazial. Kjo kërkon jo vetëm të nxënët në lëndë të reja, por edhe një qasje të thelluar të lëndëve tashmë të studiuar, në referencë me objektivat e përcaktuara prej Planit romand të studimeve (*Plan d'études romand*, PER) dhe programeve kantonale për ciklin 3. Nxënësi duhet të jetë i motivuar dhe i gatshëm të bëjë një punë të rëndësishme dhe kërkuese, edhe jashtë kohës shkollore.

### Plani romand i studimeve (PER)

[www.plandetudes.ch](http://www.plandetudes.ch)

PER-ja përcakton përmbajtjen e të nxënët të shkollimit të detyrueshëm për Zvicrën romande. Ai përshkruan atë që nxënësit duhet të mësojnë gjatë njëmbëdhjetë vjetëve të shkollimit.

**Kërkesat për përjashtim nga rregulli** për pranimin në klasën e rakordimit 2 duhet t'i drejtohen dekanes kantonale të këtyre klasave (shih të dhënat përballë). Ato duhet të përmbajnë një letër nga prindërit ku të përshkruhet konteksti i kërkesës, të shoqëruar me formularin e regjistrimit, si dhe një dosje të plotë. Për këtë qëllim, prindërit japin të gjitha dokumentet e nevojshme për të kuptuar rrugëtimin shkollor të nxënësit dhe nivelin e zotërimit të objektivave të planit të studimeve, në veçanti dokumentet zyrtare (buletinet shkollore të fundit, çertifikatën e mbarimit të studimeve të shkallës së dytë) të lëshuara nga enti në të cilin nxënësi-ja është shkolluar, si dhe çdo dokument shtesë të gjykuar të përshtatshëm.

## Tabela e orarit

Klasat organizohen sipas modelit të drejtimit parajgjimnazial. Tabela e orarit përmban nga 34 periudha në javë sipas ndarjes përballë.

Arsimi ofron katër lëndë me zgjedhje specifike (OS) me nga tetë periudha javore: matematikë e fizikë, ekonomi e drejtësi, italisht ose latinisht. Në funksion të regjistrimeve, oferta e disa OS-ve mund të sigurohet vetëm në disa prej enteve shkollore, me qëllim që të mund të ketë efektiva të mjaftueshëm.

Për t'u regjistruar në një klasë rakordimi 2 me OS italishten, nxënësi duhet të ketë ndjekur me sukses kursin fakultativ të italishtes në vitin e 11-të, ose të ketë ndjekur një OS të italishtes në shkallën e dytë, ose të provojë se ka njohuri të mjaftueshme në këtë gjuhë, të vlerësuara përmes provimit të njëvlershmërisë të organizuar nga departamenti në fillim të vitit shkollor.

Për t'u regjistruar në një klasë rakordimi 2 me OS latinishten, nxënësi duhet të ketë ndjekur OS-në e latinishtes në shkallën e dytë.

Lehtësime janë të mundshme për nxënësin që zgjedh një OS tashmë të ndjekur në shkallën e dytë.

Të gjitha lëndët vlerësohen. Vlerësimi i edukimit fizik është objekt i një komunikimi specifik.

## Kushtet e certifikimit

Sot, për të marrë certifikatën e mbarimit të studimeve të shkallës së dytë, **nxënësi i klasës së rakordimit 2** duhet të marrë të gjitha pikat vijuese për grupet I, II dhe III:

|                      |                                                                                                                        |                 |
|----------------------|------------------------------------------------------------------------------------------------------------------------|-----------------|
| Grupi I              | frëngjisht + matematikë + gjermanisht + shkencat e natyrës + lëndë me zgjedhje specifike                               | 20 pika e sipër |
| Grupi II             | anglisht + shkencat njerëzore e shoqërore                                                                              | 8 pika e sipër  |
| Grupi III            | artet                                                                                                                  | 4 pika e sipër  |
| <i>Rastet limite</i> | <i>e shumta 1 pikë pamjaftueshmëri të mbledhur në të tri grupet dhe e shumta 0,5 pikë pamjaftueshmëri në një grup.</i> |                 |

\* Këto kushte mund të evoluojnë në kontekstin e rishikimit të Kuadrit të përgjithshëm, botimi i 6të i të cilit është planifikuar për në fillim të vitit shkollor 2021.

## Kontakti

### M. Alexandre Willemin

Doyen cantonal des classes de rattachement 2 (*Dekan kantonal i klasave të rakordimit 2*)

Établissement primaire et secondaire de Lausanne-L'Élysée (*Enti i shkallës së parë e të dytë Lozanë - Elize*)

Avenue de l'Élysée 6, 1006 Lausanne

alexandre.willemin@lausanne.ch

021 315 66 57

| Rac2: 34 periudha                                                 |                   |
|-------------------------------------------------------------------|-------------------|
| Frëngjisht                                                        | 5 periudha        |
| Gjermanisht                                                       | 4 periudha        |
| Anglisht                                                          | 4 periudha        |
| Matematikë                                                        | 5 periudha        |
| Shkencat e natyrës                                                | 2 periudha        |
| Shkencat njerëzore e shoqërore <sup>1</sup>                       | 2 periudha        |
| Artet <sup>2</sup>                                                | 2 periudha        |
| Edukimi fizik                                                     | 2 periudha        |
| <b>Lëndë me zgjedhje specifike (OS) (Latinisht me 4 periudha)</b> | <b>8 periudha</b> |

Lëndët në tabelën e orarit


Mediat, figurat dhe teknologjitë e informimit dhe komunikimit (MTIC)

<sup>1</sup> Histori - Gjeografi - Qytetari

<sup>2</sup> Artet vizuale / Muzikë

# Struktura e shkallës së dytë I (arsimit të mesëm të ulët) dhe hyrja në formimet pas arsimit të detyrueshëm

## Përmes klasave të rakordimit 1 dhe 2



<sup>1</sup> Mundësi, me disa kushte, për të përzgjedhur një lëndë me zgjedhje specifike

Më tepër informacione lidhur me formimet pas arsimit të detyrueshëm në [www.vd.ch/dgep](http://www.vd.ch/dgep).

Më tepër informacione lidhur me orientimin drejt profesioneve, në degët e formimit dhe masat e tranzicionit në [www.vd.ch/orientation](http://www.vd.ch/orientation).

[www.vd.ch/scolarite](http://www.vd.ch/scolarite)

[www.vd.ch/page/1055372](http://www.vd.ch/page/1055372)

